

Naqqiut

Siunnersuut 3. november 2025-meersoq taarserpaa

(Siunnersuutip immikkoortutut normua naqqiutigineqarpoq, siulii marluk UKA2025/39
aamma UKA/40 ataatsimut suliarineqassagamik UKA2025/39-tut)

Naalakkersuisut matumuuna Inatsisartut suleriaasianni § 33 naapertorlugu
aalajangiiffigisassatut siunnersuut manna saqqummiuppaat:

**Imarsiortunut atorfinitsitaanermi atugassarititaasut il.il. pillugit inatsisip Kalaallit
Nunaannut atulersinneqarnissaa pillugu peqqussut aamma Imarsiornerup
isumannaatsuunissaa pillugu inatsisip allanngortinneqarnera pillugu inatsisit
assigiinngitsut Kalaallit Nunaannut atuutilersinneqarnerat pillugu peqqussut
Namminersorlutik Oqartussat akuerissagaat pillugu Inatsisartut
aalajangiiffigisassaattut siunnersuut**
(Ineqarnermut, Attaveqaasersuutinut Isorliunerusunullu Naalakkersuisoq)

1. Tunngavilersuut

Danskit Inuussutissarsiornermut ministeriat Imarsiortunik Atorfinitsitsiner-
mi Atugassarititaasut pillugit Inatsisip atuutilernera pillugu kunngip peqqussutaan-
ut siunnersuummik suliaqaqqullugu Ineqarnermut, Attaveqarnermut, Aatsitassanut, Inatsi-
sit Atuutsinneqarnerannut Naligiissitaanermullu Naalakkersuisup 2021-mi qinnuigaa. Ta-
matuma kingorna Naalakkersuisut aamma Søfartsstyrelsen-ip qulequtaq pillugu oqaloqatigiinnerit
aallarnerpaat. 2023-mi Ineqarnermut Attaveqaasersuutinullu Naalakkersuisoq aalajangerpoq,
imarsiortunik atorfinitsitsiner-
mi atugassarititaasut il.il. pillugit inatsit kunngip peqqussutaatigut
atuutilersinneqassasoq piumasariniallugu. Naalakkersuisut maannakkut *Imarsiortunut
atorfinitsitaanermi atugassarititaasut il.il. pillugit inatsisip Kalaallit Nunaannut
atulersinneqarnissaa pillugu peqqussummut missingiut* kiisalu *Imarsiornerup
isumannaatsuunissaa pillugu inatsisip allanngortinneqarnera pillugu inatsisit assigiinngitsut
Kalaallit Nunaannut atuutilersinneqarnerat pillugu peqqussummut missingiut* Søfartsstyrelsen-
imiit tigusimalerpaat. Peqqussutitut siunnersuutini siunertaavoq imarsiortut aalisartullu
atorfinitsitaanerminni atugarisaannik qaffassaanissaq.

2. Peqqussutip imarisai

Imarsiortut atorfinitsinneqarnerminni atugarisai pillugit inatsisip Kalaallit Nunaanni
atuutsinneqalernerani kalaallit imarsiortut aalisartullu sulinerminni atugarisaminnik
pisinnaatitaaffimminnullu malunnaatilimmik pitsanngorsaavigineqassapput.

Siunissami kalaallit imarsiortut aalisartullu umiarsuarni danskit erfasuannik erfasulinni
inuttat assigalugit tunngaviusumik pisinnaatitaaffeqalissapput – pisinnaatitaaffinni pissutsit
immikkut ittut imarsiortutut suliner-
mi sunniisartut sillimaffigineqalerlutik. Tamatuma ilaatigut

kingunerisaanik allaganngorlugu atorfininnermi isumaqatigiissuteqarnissaq, angerlamut angalanermut atatillugu toqqissisimanissaq, napparsimalerinnermi nakorsamit ikiorneqarnissamut pitsaanerusumik periarfissaqarnissaq kiisalu inuunermi immikkut inissisimalerinnermi, assersuutigalugu naartunermi, illersorneqarnissaq, pisinnaatitaaffigineqalissapput.

Inatsisip atuutilerinnerani Kalaallit Nunaat nutaaliaanerusunik maleruagassaqaalissaaq, imarsiorlutik sulisunut tamanut isumannaatsuutitsinerulersumik toqqissisimatitsinerulersumillu. Peqatigisaanik Søfartsstyrelsen Kalaallit Nunaata imartaanni inatsisip malinneqarneranik nakkutigininnissamut periarfissaqaalissaaq, tamanna sulisunut tunngatillugu pissutsit torersuunissaannik annertuumillu illersorneqarnissannik qulakkeereqataassalluni.

Atuutilerinnera:

Inatsisartut aalajangiiffigisassatut siunnersuut akuerissappassuk, Søfartsstyrelsen tamatuma kingorna peqqussutip Kalaallit Nunaannut atuutilersinnissaanut iliuuseqassaaq. *Imarsiortunut atorfinitsitaanermi atugassarititaasut il.il. pillugit inatsisip Kalaallit Nunaannut atulersinneqarnissaa pillugu peqqussut* kiisalu *Imarsiorterup isumannaatsuunissaa pillugu inatsisip allanngortinneqarnera pillugu inatsisit assigiinngitsut Kalaallit Nunaannut atuutilersinneqarnerat pillugu peqqussut*, akuerineqarnermini ulloq 1. februar 2027 atuutilissaaq. Tamatuma tungaanut peqqussutitut atasut nalunaarutitut missingiutit, peqatigisaanik atuutilertussat, suliarineqassapput.

Pisortanut aningaasaqarnikkut allaffissornikkullu sunniutaasussat

Siunnersuut pisortanut aningaasaqarnikkut imaluunniit allaffissornikkut sunniuteqassanngilaq, tassami tamanna naalagaaffiup susassaqafigimmagu.

Namminersorlutik inuussutissarsiortunut aningaasaqarnikkut allaffissornikkullu sunniutaasussat

Aalisartut imarsiortullu peqqussummut siunnersuut malillugu atorfininnerminni pisinnaatitaaffiisa isumannaarnissaannut, umiarsuaatilik aningaasartuuteqassaaq.

Innuttaasunut aningaasaqarnikkut allaffissornikkullu sunniutaasussat

Peqqussummut siunnersuummi kalaallit umiarsuaanni aalisartut imarsiortullu atorfininnerminni atugarisaasa pitsaanerulernissaat qulakkeerneqassaaq.

Tusarniaaneq

Søfartsstyrelsen-ip piffissami 1. juli 2025 - 15. august 2025 *Imarsiortunut atorfinitsitaanermi atugassarititaasut il.il. pillugit inatsisip Kalaallit Nunaannut atulersinneqarnissaa pillugu peqqussummut missingiut* kiisalu *Imarsiorterup isumannaatsuunissaa pillugu inatsisip allanngortinneqarnera pillugu inatsisit assigiinngitsut Kalaallit Nunaannut atuutilersinneqarnerat pillugu peqqussummut missingiut* tusarniaassutigai.